

FAITAUGA O TUSI MA LOU ALO I LE AIGA



NI MANATU MO MATUA MA MATUA FAI O TAMAITI AOGA LAITI

READING WITH YOUR CHILD AT HOME – IDEAS FOR PARENTS OF YOUNG CHILDREN

E taua tele le faitautusi

READING IS IMPORTANT

- O le faitau tusi o se tomai taua tele. I le lalolagi faaonaponei, ua atili ona faatauaina ai le faitautusi.
- E faatauaina e le tamaititi le faitau tusi pea vaavaai atu o loo toaaga ia sui o le aiga e faitautusi ma tusitusi i aso uma.
- O le faitauina o tusi ma lou alo i le aiga o le a fesoasoani tele lea i le atiinae o le tamaititi ma le fesoasoani i le tele o mataupu eseese o loo aoaoina i le aoga.
- E faatauaina e le tamaititi le faitautusi pe a vaai atu o loo e faitauina se tusi, pe faia se lisi o le faatau, pe o le tusiina o se tusi faamanuiaga, faitauina o se tusi mo le faasinoina o auala. I le faia o nei ituaiga galuega faitautusi ma le tusitusi, o loo e tauina atu ai i le tamaititi le taua o le faitautusi ma le tusitusi.
- E iai le taimi e talosaga atu ai le aoga ina ia e faalogologo i le faitautusi a lou alo i le aiga. O se auala lelei lea e fesoasoani atu ai i le faaleleiina o le faitautusi a lou alo. E mafai ona faaaogaina ia tusi mai i le faletusi a le aoga pe o le faletusi a le itumalo.
- Ia e taumafai lava ma le mautinoa e mafai ona faaleleia le faitautusi a lou alo.

O ni auala e fesoasoani ai matua i le tamaititi i le aiga

WHAT YOU CAN DO AT HOME TO HELP

- Faatalanoa lou alo i talanoaga i aso uma ma faamatala i ai galuega e masani ona e faia i le fale.
- Toaga e faitau ia tusi i lou alo. O le a fesoasoani lea e malamalama ai i le gagana Faaperetania ma o le a faamalositia ai foi le tamaititi e fiafia i tusi ma fautau tusi.
- Talanoa i tusi ua uma ona faitauina. Faitau tusi faatasi ina ia faafiafia ai le tamaititi ma o le a toaga ai foi e faitau tusi.

- Ia tele ia ituaiga tusi ma mataupu ua tusinga i le fale ina ia mafai ai ona faalateleina le malamalama o le tamaititi ae maise ia tusi ua fatuina i ni tala moni ma ni tusi ua faaaogaina ai ia mafauauga a le tagata tusitala.
- E taua foi le faitau tusi i lou lava gagana pe a fai o le Faaperetania e le o le uluai gagana. Ua faamaonia nei o le faaaogaina o tusi i le uluai gagana a le tamaititi o le a fesoasoani lea i le faaleleia o le faitautusi Faaperetania a le tamaititi.
- Ia taumafai lava ia aua nei faaolaina le TV ao faitauina ia tusi. Ia faaavanoaina lava se taimi faitautusi a le tamaititi ma ia aua lava nei iai ni faalavelave i lea taimi atoa.
- Taumafai lava e faalogologo ao faitau tusi lou alo i aso uma tusa lava pe na ose taimi puupuu.
- Faatau ia tusi faitau mo le tamaititi i aso faatauaina e iai ia aso fanau.

O ni mataupu e fesoasoani atu ai ao faitau ia le tamaititi

HINTS FOR LISTENING TO YOUR CHILD READ

- Ao lei amataina le faitauina o se tusi, ia muamua lava ona talanoa i le faavaa o le tusi, le ulutala, ma ni ata. Faatalanoa le tamaititi pe o le ni ona manatu i le uiga o le tusi.
- Ao faitauina le tusi, faatalanoa le mea ua oo iai le tala ma fai manatu ifo pe ole a le isi tulaga o le a tupu i le tala.
- A uma ona faitau le tusi, faatalanoa le tamaititi ina ia mafai ona faamatala mai le uiga o le tala ma ata o loo i totonu o le tusi.
- A fai o se tusi ua faigata, ia faasolosolo le faitauina o le tusi. A ua iai ni fuaiupu o le tusi ua sosoo ona faaaogaina ma ua iloa lelei e le tamaititi, ona tuu lea i le tamaititi e faitauina lea fuaiupu. A fai o se vaega fou pe ose mataupu fou, ona faitau lea e le tagata ua lava ma malamalama i le faitau tusi.
- A oo i se upu faigata :

Tuu atu se taimi e taumafai ai e le tamaititi ona faaleo lea upu fou.

Faamanatuina

- toe foi i le amataga o le fuaiupu o loo iai le upu faigata leni ma faitau le fuaiupu
- vaai pe o iai le uiga o le upu i se ata poo ni isi upu.
- vaai le uluai mataitusi ma mafaupe pe o le a le uiga o le upu
- fesili pe e iai se uiga o leni upu
- taumafai e faaleo le upu
- a fai ua le iloa tau i le tamaititi le upu ma lona uiga

Faamalo ma vivii taumafaiga a le tamaititi tusa lava pe sese le taumafai.

O ni Tusi e ona faitau ai

WHAT TO READ AND DO

- Famatala ma toe faamatala ia ni tala e fiafia i ai le tamaititi e iai tala mai agamua, tala tuu, tala o le lalolagi, tala i le aiga.
- Fai ni taaloga e iai le taaloga o le Taumatemate o se upu pea ua iloa le uluai mataitusi.
- Taumafai le tamaititi e faitau faatonuga o se faiga o se mea ai
- Faitau tusi, ata faasolo, nusi pepa, tala pupuu, tusi tauloto,
- Faaaoga ia taaloga e faaaoga ai ia mataitusi e fausia ai se upu.
- Faitau le polokalame o le TV a o lei matamata i le TV
- Vaai le pusa meli ma faitau faatasi ia tusi ma ni isi tusitusiga na mua mai i le meli.
- Faitau faatasi ia le tusi e faasino ai auala ma tusitusiga e faasino ai auala i luga o auala tetele.
- Faitau tusi ma fai ia tusi i tagata o aiga Faitau faatasi ia ni faatonuga i ni taaloga e fiafia iai le tamaititi.
- Ia iai ia ni peni vali, peni vali suauu, pepa e tusitusi ma vali ata ai le tamaititi.

Ia manatua . . .

AND DO REMEMBER . . .

- Faatalanoa le uiga o se tala ma le uiga o upu.
- Faatoaga le tamaititi e faitau i soo se mataupu pe o ni fuaiupu i soo se mea e tau atu iai.
- Ia faailoa atu i lou alo e te fiafia tele e faitau tusi.
- Asiasi atu ma faaaoga ia faletusi o itumalo. Aumai ia ni au tusi faitau mai i le faletusi ina ia faataitai atu ai foi le tamaititi.
- Talanoa i le faiaoga a lou alo pe o le pule o le aoga mo ni si fesoasoani pe o ni fautuaga.
- Toaga e faitau tusi. E tatau ona faafiafiaina ai oe ma le tamaititi.

Faafesootai ia le aoga o loo i totonu o lou pitonuu mo nisi faamatalaga mo ni auala e mafai ai ona e fesoasoani atu ai i le faitau tusi a lou alo.